

增修甘泉縣志卷二

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

形勝志

淮海惟揚州 尙書禹貢

續志考正甘邑既附郭其形勝皆合揚郡言之有古九州之揚有後一郡之揚又有一郡先後分合隸屬之揚且有累代大一統之揚及六朝南宋偏據時之揚前志一概徵引羅列後人論述大約語

增修甘泉縣志

卷之二

形勝

一

意均不免重複非甘邑所得專內詩話總龜揚子

橋一條尤顯非甘境也

北據淮南距海 尙書孔傳

漢都長安而以江淮東南邊為奉地 賈誼新書

揚州保疆三代要服 史記

枚乘曰左江右湖其樂無有此吳客說楚公子之辭當

謂江都之野 謝康樂山居賦自注

魏文帝曹丕以舟師擊吳登廣陵故城臨江觀兵見波

濤洶湧嘆曰嗟乎固天所以限南北也 通鑑綱目注

瀾迤平原南馳蒼梧漲海北走紫塞雁門拖以漕渠軸

以崑岡重江複關之隩四會五達之莊鮑參軍集

控接三齊青兗同鎮土甚平曠與京口相對又曰西至

淮畔東屆海隅南齊書州郡志

禹貢淮海之域職方東南之奧產金三品財利萬室控

荆衡以沿泛通夷越之貨賄四會五達此為咽喉權文公集

揚州實吳楚一大都會也政令煩挈貢奉蔽沓柳柳州文集

淮南之地提封千里徵令百役稅足以食賦足以兵以

寬征之則安淮南之衝南走閩越北通幽朔關梁不閉

朝聘相望以歡交之則固唐文粹

堂邑東嶺廣陵西巖背淮面江倚山枕壑文苑英華

增修甘泉縣志 卷之二 形勝 二

倚海塹江淮深津橫岡備守艱險樊川集

遶統江淮為一都會元和郡縣志

江左大鎮莫過荆揚通典

廣陵大藩四海都會今制度之盛雄視諸侯騎省集

揚州為九州之一地總淮海扼制吳會前代建府之重

東南為冠安陽集

揚古今大都方伯所治荆公文集

揚州掌節制淮南十一郡之地自淮南之西大江之東

南至五嶺蜀漢十一路百州之遷徙貿易之人往來皆

出其下舟車南北日夜灌輸京師者居天下之七長興集

西北極淮東南距海江湖之間盡有其地 淮海集

揚州古都會也枕江臂淮與益部號為天下繁盛故古

以來節鎮首稱揚益焉 王觀賦序

維揚合肥兩淮之根本 真西山集

六路轉輸五塘蓄洩東南趨赴之要衝也 宋文鑑

揚為州最古南傳海北接淮井而方之蓋萬里後世華

離釁析殆且百郡獨廣陵得鼎其名故常稱巨鎮有揚

一益二之語他方莫之與京也 洪邁平山堂記

據江海之會握襟帶之藪 狄遵度修海隄祭文

東盡漣海北控宋永 秋崖集

增修甘泉縣志 卷之二 形勝 三

長淮之東地多堆阜揚居南北之衝 攻媿集

偉赤社之會都滋黑壤之饒沃 張問瓊花賦

葉適曰三國孫氏以江北守江 通鑑綱目

趙范曰揚州者國之北門一以統淮一以蔽江一以守

運河豈可無備哉 宋史本傳

揚州影帶諸夷氣吞吳會實京師之門戶燕趙關陝之

喉舌 紹熙廣陵志

南臨大江北界淮泗東接揚楚西控滁濠實當水陸之

要衝江淮一都會 嘉泰廣陵志

江淮咽喉承平為繁華之會多事為馳騖之衝 寶祐維揚志

唐制鹽鐵轉運使在揚州盡幹利權商賈如織故諺稱揚一益二謂天下之盛揚爲一而蜀次之也 同上

自淮而東以楚泗廣陵爲之表則京口秣陵得以蔽遮自廣陵而抵淮陰此全淮之右臂也 山堂考索

長淮都會南躡距海之滸北壓長淮之流俯江湄瞰京口門戶嚴謝元無後顧之憂藩籬固祖逖有前進之勢

海玉

揚子橋介於江淮之衝南之瀟湘北走秦隴咸此取道

詩話  
總龜

揚爲會府 黃文獻公集

增修甘泉縣志

卷之二

形勝

四

盤盤廣陵淮海攸經 雪樓集

國家以揚州之域介江南北而以其南隸浙西北隸河南壤地千里魚鹽稻米之利擅於東南爲天下府庫 滄螺集

揚爲南北要衝穹官顯人往來無虛日富商大賈居積財貨之淵藪 說學齋稿

背淮腋湖面大江而履平楚彌數百里 翠屏集

揚爲淮海奧區密邇畿甸 南齋先生摘稿

江都乃揚之屬邑當南北之衝據江淮之會帆檣鱗集

車馬輻輳閭閻櫛比 張文信公集

淮者江之障蔽守淮而後能保江 椒邱文集

廣陵襟帶南北一大都會與神京參重迨漢而吳王鑄

山煮海富甲天下揚遂以饒名後世因之以為脂國 蒼霞

草

揚州其地面大江而負山 皇甫湜集

儀真之東鎮江之北有揚重鎮在焉 周宏祖建康論

漕輓津會南北襟吭攸寄又陪都之屏輔焉 洞麓堂文集

淮揚為運道要衝則當為國家血脉之慮 劉堯誨奏疏

維揚一郡南接大江東臨巨海燕薊門戶漕運咽喉倭

奴一水可通係江北第一險要之關 無夢園集

增修甘泉縣志

卷之二

形勝

五

襟帶江海縮轂黃淮古來號為重地以其控制南北為

天下樞也 陳孟常文集

魯渙曰淮東控扼有六一曰海陵二曰喻口三曰鹽城

四曰寶應五曰清口六曰盱眙而皆以揚州為根本 勝名

集

劉展曰江淮租賦所出今之重任 通鑑綱目

揚州水陸衝煩 明職方地圖

陸集輪蹄水連梯航騎騷供帳無虛日 輿地廣圖

明初北收揚州不特唇齒攸寄亦即以包并淮南也都

燕之日轉輸特重揚州為之咽喉 明一統志

東南佳麗江淮都會其山鎮曰甘泉曰城子記纂淵海

淮海地形起自東南蓼角嘴抵姚家蕩延袤三四百里

其要害為通州狼山掘港新閘廟灣劉家河金沙場而

廟灣通大海口更為重鎮其次為新港及北海所目營輯

財賦所出以江淮為淵唐書第五琦傳

廣陵古揚州之域北抵淮東距海南濱大江實維留都

股肱夾輔要衝之郡兩京諸省官舟之所經南北朝覲

貢道之所入鹽舟之南邁漕米之北運謂之江淮都會

信矣玉筍生集

守淮者不於淮於徐泗守江者不於江於兩淮亭林文集

增修甘泉縣志

卷之二

形勝

六

淮南雄鎮莫若揚州及高駢擁節自雄外成巢溫之毒

內釀畢呂之禍楊行密收其餘燼猶能并孫儒却朱溫

繕兵積粟固保江淮沿及南唐尚為強國讀史方輿紀要

北抵淮泗西接滁濠南界金焦東盡海壖幅員不及千

里然固江淮之間一都會也郡西地多岡阜綿亘相屬

若起若伏高寶諸湖受西山汊澗匯為巨浸以射陽湖

廟灣為委控引淮河與海通波遵海而南諸鹽場所棊

布捍以隄堰以防潮汐兩淮鹽筴是之自出大江奔汨

迄與海會鹹炎所分迴瀾觸搏奇恂變怪又邳然足以

駭矣通之五山狼福對峙實長江門戶而江左南徐諸

山若拱若揖隱然爲江北壯觀若夫舟檣櫂比車轂鱗

接東南百萬漕艘浮江而上此爲嗑吭

萬曆揚州府志

維揚內阻江海之險南引荆襄吳越北連青徐而西護

陵寢至要劇至繁重也

同上

古揚州之域東南盡吳楚百粵廣輪幾萬里而揚州特

一郡耳而江都又附郡一縣其眎古渺乎微矣然據全

揚之形勝則東際滄溟南襟大江北帶長淮蓋東南一

大都會亦訐訐乎稱雄哉

萬曆江都縣志

以上原志

疆域志

甘泉縣附揚州府郭與江都分理皆古廣陵縣地  
按雍正九年五月兩江總督尹繼善疏言揚  
州府之江都縣路當衝要事務殷繁附居府  
城幅幘遼濶應增設一令分疆而理於地方  
甚有裨益

皇上可其奏遂析江都縣之舊城府東分與甘泉縣管理府  
西分與江都縣管理新城自小東門外至缺  
口門南歸江都縣北歸甘泉縣其邵伯上官  
二巡司并邵伯驛歸甘泉縣管轄瓜洲萬壽

增修甘泉縣志

卷之二

疆域

一

二巡司并廣陵驛歸江都縣管轄至二邑田  
畝疆域按順道途詳酌肥瘠各照分定界限  
以專責守

欽定甘泉縣名鑄給印信於雍正九年十月增設一令與

江都縣同附郭

甘泉縣附府城其地東半里至小東門城外接江都縣  
界南半里至南門城門接江都縣界西六十里至大儀  
集接泗洲天長縣界北七十五里至露筋鎮接高郵州  
界東南三里至缺口門即通濟門接江都縣界西南九  
十里至移家集接儀徵縣及江甯府之六合縣界東北



九十里至永安鎮接高郵州界西北七十里至火燒集  
接泗洲天長縣界東西通計六十里有奇南北計七十  
五里有奇以西南東北四維計之殆百八十里百六十  
里焉距京師二千二百七十五里距江蘇等處布政使  
司四百二十里

甘泉縣區圖雍正十一年定為五區

一區領圖十一在一圖東一圖南一圖邵一圖

二區領圖十一在灣一善一瓜一善二瓜三瓜  
圖 河二圖 河三圖 河八圖 豐一圖

增修甘泉縣志

卷之一

疆域

二

三區領圖十豐二圖 豐三圖 豐四圖 豐五圖  
圖 大三圖 大四圖 豐六圖 豐七圖 豐大圖 豐大一圖 豐大二圖

四區領圖十豐大五圖 艾四圖 艾一圖 艾二圖 艾三  
仙一圖 仙三圖 仙四圖 艾五圖 艾六圖 艾三

五區領圖十艾仙五圖 韓一圖 仙六圖 八中一圖 八元一圖 道一圖 元  
青三圖 青五圖 官二圖

明陸弼云都里之設也凡邑之賦斂徭役以迨百費罔  
不倚辦焉故元結圖九疑曾詢記句曲專志一鄉以屬  
公家者重也夫積里為都積都為縣都里豐耗縣之盛  
衰所係有民社之寄者可無軫念乎哉 萬歷縣志

鄉鎮

邵伯鎮在縣北四十五里洪武元年巡檢張仁開設邵伯埭今為邵伯鎮置巡司於此邵伯驛亦在焉為水陸

孔道

方輿紀要

紹興三十一年金主亮南侵以劉錡為江淮浙西制置使引兵屯揚州金人以氍毹船載糧而來錡使善

沒者鑿沉其舟自楚州退軍邵伯鎮

宋史本傳

自邵伯埭以南地勢皆高亢連亘凡數百里岡阜淮之不能合於江者勢也

讀史方輿紀要

鍾離瑾為江淮制置發運使置插邵伯埭旁人以為

增修甘泉縣志

卷之二

疆域

三

利

宋史本傳

建炎四年八月庚辰王德鬻瓊以輕兵渡江敗金游

於邵伯埭

宏簡錄

尤袤為泰興令問民疾苦皆曰邵伯鎮置頓為金使

經行也使率不受而空厲民漕司輸藁桔致一束數

十金二弊久莫之去乃力請臺閫奏免之

宋史本傳

黃珏鎮即黃珏橋在城北四十里屬邵伯巡司轄郡人

指名曰北湖

宋元之季士大夫避地多於此今居人稠密廛市鱗次

與江都東大橋鎮相等

雍正府志

上官橋鎮在城西六十里

陳家集在城西六十里上官橋巡司駐此

永安鎮在城東北八十里

僧道橋鎮在城西北七十里卽湖口橋屬上官巡司轄

大儀鎮在縣西七十里接天長縣界屬上官巡司轄

建隆元年九月己未淮南節度李重進以揚州叛遣

石守信等討之十月丁亥詔親征揚州次大儀

宋史本紀

建炎四年金人入寇韓世忠自鎮江提兵駐大儀伐

木爲柵自斷歸路勒五陣設伏二十餘所約聞鼓卽

起擊金前軍聶兒孛堇引兵趨江口距大儀五里別

增修甘泉縣志

卷之二

疆域

四

將撻孛也擁鐵騎過五陣東世忠傳小麾鳴鼓伏兵

四起旗色與金人旗雜出金軍大敗人馬俱斃遂擒

撻孛也等二百餘人

宋史本傳

撻扒店在城西

宋淳祐元年八月北兵侵眞州淮東先鋒馬軍鄧漘

李海戰於揚州撻扒店

宏簡錄

白土戍在城西南

宋大明三年竟陵王誕據廣陵反詔沈慶之討之慮

誕北奔使慶之斷其走路慶之乃營於白土戍去城

一十八里夕進新亭

宋書本傳

新亭在城西北蜀岡上

桑里在城西南二十里

宋大明三年沈慶之攻廣陵宋主命爲三烽於桑里  
克外城舉一烽克內城舉兩烽擒劉誕舉三烽是也

宋書  
本傳

舖

總舖在府治東街

司兵十五名甘泉分派一半  
司兵七名半

甘泉山舖大儀鎮舖楚家舖

在城西與天長接界  
司兵十五名

竹西亭舖灣頭鎮舖淮子河舖邵伯舖八塔舖馬家舖

三溝舖腰舖

在城北與高郵接界  
司兵四十名

增修甘泉縣志

卷之二

疆域

五

按嘉靖萬厯諸志載城北通高郵界者有四  
里舖今爲邵伯舖縣西北通天長界者舊止  
二舖今更置楚家舖

以上原志

城池志

吳將伐齊北霸中國自廣陵城東南築邗城城下掘深溝謂之韓江亦曰邗溟溝 水經注

邗溝城在州西四里蜀岡上 太平寰宇記

楚懷王十年城廣陵 史記六國表

漢高帝六年為荆國十一年為吳城即吳王濞所築也

水經注

吳王濞都廣陵築廣陵城周十四里半 後漢書郡國志注

黃初二年冬魏文帝行幸廣陵故城 三國志

續志考正己見世紀內又誤六年為二年

增修甘泉縣志

卷之二

城池

一

魏移郡志淮陰而以故城為邊邑 同上

續志考正已見沿革內

廣陵故城即府東之舊城 一統志

吳主亮五鳳二年使魏尉馮朝城廣陵 三國志

晉太和四年桓溫發州人築廣陵城移鎮之 晉書

續志考正 邗溝城楚懷王吳王濞吳主亮晉太和 五條後古蹟內複見

晉滅吳廣陵郡仍治淮陰南渡還治廣陵太和四年桓

溫發徐兗二州民築廣陵城遂移鎮焉時兗州寄治廣

陵徐州寄治京口發此二州民以供役也 讀史方輿紀要

宋大明元年竟陵王誕出為兗州刺史誕知見猜亦潛

爲之備至廣陵因魏人入寇修城浚隍

南史

自齊梁以訖陳廣陵爲南兗州守無異

寶祐維揚志

唐武德二年賊帥李子通自海陵率眾攻破州城遂竊

據之三年子通爲杜伏威所破未幾伏威歸化故潤州

江甯縣置揚州以隋江都爲兗州置東南道行臺六年

輔公祐竊號江南驅擁江北諸州毀撤宮殿盡過江南

城遂荒廢

太平寰宇記

乾符六年高駢自鎮海節度使徙淮南節度副大使繕

完城壘

唐書本傳

揚州舊有大城又有子城亦曰牙城楊行密據揚州改

增修甘泉縣志

卷之二

城池

二

牙城南門曰天興其後楊溥僭號稱爲都城南唐又號

曰東都

城邑攷

周顯德五年世宗復幸淮右次楚州遣韓令坤率兵先

入揚州命權知軍府事揚州城爲吳人所毀詔發丁壯

別築新城韓令坤爲修城都部署

宋史本傳

周克揚州之後顯德五年使韓令坤鎮之州故城西據

蜀岡北抱雷陂以城大難守築故城東南隅爲子城以

治之而李重進復改築周城十二里

讀史方輿紀要

宋太祖遣六宅使陳思誨齎鐵券以安李重進之心重

進欲治裝隨思誨入朝爲左右所惑猶豫不決又自以

周室近親恐不得全遂拘思誨治城隍繕甲兵 宋史

高宗建炎元年九月命守城呂頤浩繕修城池 宋史本紀

二年十月命揚州濬隍修城 同上

紹興中郭埭知揚州以爲故城憑高臨下四面險固初李重進始夷之而改卜今城相距二十里處勢卑濶虜來襲瞰易在股掌請卽遺址建築無幾時役竣與舊城南北對峙中夾甬道疏兩濠緩急足以轉餉謂之大城

宋朝言行錄

紹興三十一年防禦使賈和仲知揚州朱夏卿譖於葉義問以和仲不職放廢朝廷遂以向子固知揚州於是

增修甘泉縣志

卷之二

城池

三

有修城之意破錢二十萬緡矣 宋史

莫濠出知揚州陞辭上以城圯命濠增築濠至州規度城圍分授諸將各刻姓名於堞間懸重賞激勸閱數月

告成 同上

孝宗乾道三年五月修揚州城淳熙八年閏三月修揚州城 同上

孝宗時殿前指揮王琪被旨按視兩淮城壁還揚州奏琪增築城已訖陳俊卿劾琪詐傳上旨 同上

光宗紹熙三年七月修揚州城 同上

嘉定間崔與之爲權發揚州事主管淮東安撫司公事

宣宗宣引入內親遣之奏選守將集民兵爲邊防第一事既至浚濠廣十有二丈深二丈西城濠勢低因疏塘水以限戎馬開月河置釣橋州城與堡砦城不相屬舊築夾土城往來爲易以甃

同上

崔與之重修城濠記守揚州登城臨眺形勢謂濠河湮陜褰裳可涉守禦非宜乃度遠近準高下程廣狹量深淺爲圖請於朝許之河面濶十有六丈底殺其半深五分廣之一環繞三千五百四十一丈濠外餘三丈護以旱溝又外三丈封積土以限淋漓又廣地七丈以受土使與危堞不相陵復作甕城五門爲月

河總百十七丈而南爲裏河又八十七丈西北日堡寨城周九里十六步相去餘二里屬以夾城如蜂腰地所守左右尤淺隘浚之概如州城壕計七百三十一丈且甃女牆以壯其勢外壕旣深水勢趨下市河涸不可舟有警芻餉難爲力又加深廣造輿梁五經始於八年八月訖於九年九月工一百一十五萬四百二十五費朝家繙錢三十四萬八千七百五十六米石二萬一千八百四十七州家激犒爲繙錢五萬一千六百節縮有道勸懲有章公私不以爲病

菊坡集

理宗寶祐三年以賈似道爲兩淮宣撫使築寶祐城於



州城之北 宋史

寶祐城賈秋壑開闢日築申省狀云照得此城高深廣袤無異一郡舊名堡城不當用既廢之名今名寶祐城是役也用軍三萬人日羹飯三頓支擔索扉履等錢番更將士民不知役五日小犒十日中犒一月大犒有違令者以軍法從事重則處死賞罰必信無敢謹譁始於寶祐二年七月十五日至三年五月二十日告成

庶齋老學

談 鼓

宋理宗勅賈似道築寶祐城詔昔韓琦在秦州軍民附城而居無所捍禦築外城十里西賊憚之卿久護

增修甘泉縣志

卷之二

城池

五

全淮向城寶祐城通州城東海外戶既綢繆矣今復增堡城以壯廣陵之勢朕披來圖包平山而瞰雷塘可以廣營屯便牧圉矣

宋史

始平山堂瞰揚城元兵至則構望樓其上張平弩以射城中李庭芝乃築大城包之

宋史

今之揚州秦爲廣陵漢爲廣陵郡揚州治所或在歷陽或在壽春或在建康廣陵皆非所統隋開皇初改爲揚州卽今寶祐城乃後周顯德五年於故城東南隅改築周二十餘里大市東南角俞生家穿井猶有船版路學採芹亭後開阡得岸椿杪羅木教授劉青溪取爲器用

郡城因草塞河道平邱阜成街市理勢然也如開明橋之類皆因舊徙置

庶齋老學叢談

元至正十七年丁酉冬十月明太祖命元帥繆亨取揚州克之置淮海翼元帥府命元帥張德林耿再成等守之改揚州路爲淮海府以李德誠知府事按籍城中僅餘居民十八家德林以舊城虛曠乃截城西南築而守之

明太祖實錄

城僅周九里千七百五十七丈五尺厚一丈五尺高倍之門五南曰安江北曰鎮淮西曰通泗東曰甯海亦曰大東

後改先春

又東曰小東各門有甕城內有盤詰廳

增修甘泉縣志

卷之二

城池

六

樓櫓警舖雉堞敵臺隍與城稱門外跨隍各設釣橋置轆轤於門額南北有水門二引官河貫其中曰市河天順七年淫雨城坍塌七百餘丈指揮李鎧營修嘉靖元年巡鹽御史秦越重修楊果有記十八年巡鹽御史吳

悌知府劉宗仁以北水門久廢塞浚通之

萬曆揚州府志

嘉靖甲寅修維揚水關崔桐有記

同上

崔桐修水關記揚州舊制市有河城有關南冷淮海之巨浸邗汴澗曲之支流咸會通焉河可以舟關可以守凡以爲民也歲癸丑河南逆師於天紀甲寅倭夷亦寇我中夏揚郡守自湖吳大夫完城簡旅百屯

豫飭檄江都某令曰關制故疏濶歲積且圯非所以固吾圉也姑築諸旣而曰河久窒則日湮非所以利民用也盍啟諸謀諸參戎張君恒喬君基新關以計久遠揚父老羣焉相告曰守憂吾民夙夜勤劬實懇懇矣胡復以瑣役煩長上供事趨工責在吾民員外郎郝封君理謀諸光祿署丞坤曰父老之憂吾輩之憂也胡可以勞百姓會材募工責在吾輩於是封君首輸金五十光祿輸金七十太學何生正茂高生格各輸金五十義授卞千兵哲曰諸君高誼哲所願也督植効勤益金以畀有關是誠在哲於是裁其制俾

隘可守券以石俾堅不磨闢以板俾閉可啟重其門俾險可恃翼以墻俾隙有補哲倍益金三百有奇撤舊鼎新四關奕然郡守環而視之欣焉有喜色於是官者私者車者蓄者負者肩者商者農者咸稱便哲輩謂是役實利民捍害不可以無紀也問碑事於史氏桐桐曰時有常變政有經權謀有遠近經以守常權以通變守而不變則其敝近變而能通則爲利博是故今日之事寇不可虞時之變也閉關以守政之經也舍圯而改圖權可遠也是役也觀上下之相親政則可知己士民之競勸風則可采己工之經始夏

六月望告成則孟冬吉日翊暫以董作則衛知事俞

滂任勞焉

東洲集

嘉靖三十五年副使馬慎追倭於狼山敗之指揮鄧城

又敗之增築揚州東關城成

明世宗實錄

新城經始於嘉靖丙辰之二月時以倭變用副使何城

舉人楊守誠之議起舊城東南角樓至東北角樓周十

里計千五百四十一丈九尺高厚與舊城等樓五門七

南曰挹江鈔關在焉又南爲便門

今日徐甯

東南曰通

濟

今日缺口

東曰利津

今日東關

東北又爲便門

今日

北亦曰鎮淮

今日廣儲

西北曰拱辰

今日天甯

南

增修甘泉縣志

卷之二

城池

八

北卽舊城濠口爲二水門東南卽運河爲壕引水注之

嘉靖維揚志三十六年因倭寇薄城下知府石茂華令

商民黃煥等於關外夜津橋下更造水關一重額曰通

濟券以堅石闌以厚木是役也都御史陳儒御史吳百

朋崔棟知府吳桂芳石茂華先後任其事何城有記

萬曆

揚州府志

何城揚州新城記揚州外城成言言屹屹樓堞蔽虧

囊括萬家衿帶漕河以爲固甚盛舉也先是倭寇弗

靖騷動東南郡守吳公自湖用不敏議謂揚介兩郡

之間四方舟車商賈之所萃生齒聚繁數倍於昔又

運司餘鹽銀獨當天下賦稅之半而商人實居舊城

之外無藩籬之限非捍衛計也置外城便時舉人楊守誠力贊其說遂請於撫院芹山陳公按院堯山吳公鹽院春洲崔公並下自湖計凡城丈合工與財當費銀二十九兩有奇通計銀四萬六千一百五十七兩括府藏止一萬六千兩有奇春洲公許借商鹽銀三萬兩足其費議始定芹山諸公並奏下工部覆奏詔悉如請是爲乙卯之冬適吳公有清源之命廟堂議以毅庵石公代初議城因於河而瀕河之地積爲居民之所占胥動浮言以惑有位議者恒以奪民業難其事公始至卽召外城之商民而諭之曰瀕河之

地稽往牒則官地也是豈汝可得而廬舍者耶今爲城當悉歸於官永建乃家眾咸應曰諾於是瀕河之廬舍一舉而皆撤基遂定又召商民而諭之曰城之築也財可取於官顧力安能不借於民耶勞之所以衛汝也眾復應曰諾乃括商民之堪事事者百八十人俾任其役分地授工多寡惟稱其力先後緩急各臻於理商民亦各視工授之多寡以領財於公以召工市甃而良工堅甃各自四方至遠或四五百里甫就工四月五月遭倭寇亂民並求生不遑事事六月寇始逼外城蕭條百八十家多遭焚劫者公又爲拊

循而佐翼之於是商民奮庸無不奔走而就事以後  
爲羞逮十月而工成起舊城東南隅而東而北而西  
及舊城之東北隅止約一十里爲一千五百四十一  
丈九尺中建爲門者五便門者一樓稱是爲水門者  
二敵臺十有二是役也經始於丙辰之二月至十月  
而迄工纔九閱月中經倭寇之變者三月計實止六  
月耳且令不煩而民弗擾百姓見城郭之完不知財  
之所自出見徒役之蟻集不聞徵調之自於何所也  
濟大事者古及今有如此之神速而鎮靜者耶蓋公  
本以濟世之才達經權之理剛不吐柔不苟勞於求

人而逸於治事得百八十人則人各事其事何往而  
非公之事公特稽其勤惰而已此古聖無爲之道也  
丁巳夏倭復犯揚州遙望外城巍然岸高池深遂不  
敢近城下相率而來者無不得所寇退各返其業今  
居民鱗次在前歲爲灰燼者悉煥然爲棟宇人物熙  
熙商賈猶復聚於市少者扶老羸壯者任戴負與夫  
美衣衍食之人猶復溢於途風晨月夕歌鼓管籥之  
聲猶復盈於耳絃歌誦習在鄉塾者無處不然與未  
遭寇亂時無異而余歲時復得從鄉社諸老席於賓  
筵之末聽鄉樂之歌飲獻酬之酒夜則頽然就寢無

復移家之慮顧無城安有此樂耶夫樂其樂而利其利不知其功者匪情也揚卿大夫士咸相與議伐石屬余撰記以詔揚後之人使凡安於閭里得以樂生而送死者皆知我毅庵公之澤不可泯公諱茂華字君采號卽毅庵山東益都縣人嘉靖甲辰科進士守揚善政種種當紀此特就築城一事言之云若將毅庵公之命以宣布於下則有揚州衛經歷張時見江都縣主簿楊長春泰興縣主簿董邦教高郵衛知事王登皆與有勞焉故併紀其姓氏

雍正江都縣志

萬曆二十年知府吳秀增各城堞三尺浚西北濠甃以

增修甘泉縣志

卷之一

城池

十一

石隄二十五年知府郭光知縣張甯復申發軍餉甃石濠未竟者四百餘丈增敵臺一十有六而郡城屹然足

恃矣

萬曆揚州府志

崇禎十一年鹽法太監楊顯名累土爲外城工未及成又委守備樊明英增修鈔關月城

國朝順治四年江都縣知縣郭知遜重修十八年江都縣知縣熊明遂重修城牆臺舖雍正四年江都縣知縣王元穉重修廣儲門城樓七年江都縣知縣陸朝璣重修鎮淮門城樓九年五月兩江總督尹繼善題請析縣奉旨允行遂以舊城府東分與甘泉府西分與江都新城自小

東門外至缺口南歸江都北歸甘泉乾隆四年甘泉縣知縣吳鄂峙領帑大修

按唐時揚州城西據蜀岡北抱雷陂其城甚大夢溪筆談云揚州唐時舊城南北十五里一百一十步東西七里三十步是也至周韓令坤所築之小城及李重進改築州城俱在唐城東南隅宋郭埭卽唐城遺址築大城以防敵謂之堡寨城又築夾城以通於州城謂之三城元李孝光詩云風高鴻雁過三城是也寶祐三年賈似道築寶祐城卽大城也今

土人尙謂之堡城在蜀岡者是若今之府城爲張德林改築者乃截宋州城之半非大城舊基也盛如梓老學鼗談云後周改築周二十餘里開明橋之類皆因舊徙置開明橋爲二十四橋之一係唐城內故橋徙置而仍其名今橋在先春門內則今之府城卽宋之州城但宋時周二十里故在唐城東南隅明時周九里故在大城西南隅疑張德林所截之半卽今之新城地耳若明陸君弼志云府城卽宋大城遺郭殊未詳考故爲辨晰如左



市

在城市 東關市 南關市 北關市 河

東市 田家巷市 井巷口市 鈔關市

大東門市 小東門市 開明橋市 大平橋

市 東關大街市 埂子街市 緞子街市

新盛街市 轅門橋市 磚街市 徐甯門市

便益門市 缺口門市

坊表

先聖

禮門 義路 縣學門左右舊為興賢毓秀

增修甘泉縣志

卷之二

城池

十三

先賢

賢良方正 為漢劉瑜 高士 為漢孔融

仰止 在小東門內為明功臣

官署

四蕃風紀 鹽院外門 同仁 澄清 鹽院左

廉以補拙 公或生明 同上 維風勵俗

裕國籌民 同上 持衡法紀 整飭憲綱 乾隆四年重修

肅寮 察院左 箴度 察院右 振肅 府東北新察院左

激揚 府東北新察院右 國計攸關 運司左舊

邊儲永賴 運司右舊 我武維揚 口教場

科第

三元坊 宋昂 呂易 王溱

畫錦 進士 府為 謝南

世榮 府為 張南

鶚薦 府為 卞嵩

橋梓傳芳

府為 王經 王儻 父子 前舊志 江甘合

進士坊四

府為 盧大 街 郝成 性 曾 銑 方 岑

進士 開為 明邱 橋俊

梯雲 開為 明鄭 橋安 南

篤武進士

開為 俞俊 橋北

折桂 進士 府為 馬岱

雙進士

為張溥 張翥

傳桂 進士 府為 張銳

冠英

軍為 戴正 倉南

擢秀 為周承 鈔庫 巷

鵬飛

大為 馬越 門內

賓賢 小為 高恒 門內

增修甘泉縣志

卷之二

城池

十四

濟美進士

小為 高銓 門內

明揚 小為 邵溥 門內

俊傑進士

小為 徐昂 門內

進士 北為 王一 陽

經魁進士

大為 孫蕃 門外

登第 大為 俞斌 門外

文林

東為 孫信 水關

步蟾 東為 施敬 水關

經元

東為 袁富 水關

文奎 東為 張福 水關

進士坊二

東為 方天然 安金 水關

登雲 東為 靳璽 水關

進士

小為 李紀 口南

啟元 西為 周恕 門外

武秀

北為 商清 門外

翔鳳 北為 王儼 門外

官職

大司徒

大都憲

府為 高大 銓街

乘驄

府為 盧大 瀚街

廷尉府為東大銑街  
尚書  
都憲府併東大街

內外臺南為門內鵬  
都憲西門內

邊城鎖鑰小為東閩門內選

旌表

孝子順孫為大東門內馬監巷  
盡忠言事府東大街

清白流芳府東大街昇平人瑞仁豐坊康熙五十八年

百歲小東門內貞節小缺口門內康熙二十三年

貞節東關門內康熙四十年

貞節東門外康熙四十二年

貞節鹽院大街雍正五年

增修甘泉縣志

卷之二

城池

十五

貞節乾隆二年石守忠妻

孝子坊在元坊乾隆三年

坊舖

大儒坊南柳巷天甯坊天甯門內新興坊北柳巷

懷遠坊止馬橋小東門頭舖北緞子街

大缺口北口內文林坊北小口

馬軍營二舖左半衛街馬軍營四舖皮市街

馬軍營五舖北半衛街馬監前觀巷關南頭舖東關街

關南二舖田家司前三舖運司菜園半舖便益門內

北倉前便益門外懷遠莊廣儲門外東西兩園天甯寺後

軍儲倉 府前街 太平坊 舊城粉張 縉紳坊 舊城小東門

毓賢坊 通泗橋 三元坊 舊城府 北營坊 舊城

第七舖 大東門內 新橋東半舖 南門內

新橋西半舖 南門內西街 右所頭舖 右所二舖

右所三舖 俱仁坊 中所一舖 大東門內 西門外頭舖

西門外二舖 崇慶坊 北門外街

街巷

左南隅 右南隅 左北隅

右北隅 銀行街 米行街

牌樓街 大街 小街

增修甘泉縣志

卷之二

城池

十六

新橋四通街 行衙街 嘉靖江都志 大平橋四通街

開明橋四通街 通泗橋四通街 城東南廂大街

城南廂大街 城西廂大街 城北廂大街

東水關四通街 文昌街 東半界 新盛街

左衛街 北半界 緞子街 北半界 故衣街

天甯街 永盛街 大東門街

廣儲門大街 北門外大街 便益門大街

萬壽街 建隆寺前今名堂子巷 東關大街 南塞門巷

北塞門巷 張家樓巷 三清觀巷

五聖廟巷 太平巷 文樓巷

烏雞巷

牛氏巷

社壇巷

胡羊巷

堂子巷

東新橋

馬草巷

府東大街

常府左巷

常府右巷

在春曾開府於此

董祠巷

運司巷

門俱大東

達士巷

楊柳巷

左衛巷

街俱小東門外

鹽務巷

大缺口巷

北半界

小缺口巷

田家巷

俱東水關南

草巷

北缺口巷

葉家巷

小市橋巷

瓦屋徐家巷

門俱北

西壇巷

二舖巷

門俱西

明真觀巷

南門口馬

晏公廟巷

小東門內

彌陀寺巷

大東門北街

馬監巷

大東門南街

古家巷

東水關

增修甘泉縣志

卷之二

城池

十七

瓊花觀巷

馬監東巷

二郎廟巷

瓊花巷北街

建隆寺巷

北門外街

觀風巷

大門內東

三元巷

烏衣巷

鹽院街

蔡官人巷

大門內東

粉張巷

即舊榆柳巷

壇巷

西門外

二巷

小東門內

小五巷

小六巷

小七巷

小九巷

俱東仁豐坊至

江家墩巷

天甯坊

劉家巷

徐家巷

顧家巷

俱便益門內

兜肚巷

便益門內

曹李巷

今名糙米巷

禾嘉巷

舊名火家巷

安樂巷

宏文巷

俱缺口門內

芍藥巷

俗名羊巷

明瓦巷

教場東

南柳巷

北柳巷

打銅巷

灣子南首

按舊志所載揚州鎮市率多更易惟新舊兩城之間月增而歲倍焉蓋以地當孔道百物化居朝資夕販之夫晨往暮歸之子兼之屨居鱗脊生齒日繁昔人比之櫛沐汴州視此時景象更不知何若也 以上原志

乾隆十九年五月大雨彌旬城垣多倒塌者明年與江都縣詳請領帑分修以後時加完葺多由鹽務撥欸

市河貫新舊城新城自天甯水門南至小東門外止故城濠也舊城自鎮淮北水門南出安江門以至響

增修甘泉縣志

卷之二

城池

十八

水閘二河並隸甘境流惡蕩穢最宜通利而兩涯列屋鱗比涓涓一綫隨浚隨淤僅達微波而已形家之說以爲有關郡中科名雍正壬子曾一大治其秋邑人郭長源爲解首明年陳倓連得會狀嘉慶二年又一治之三年戊午黃承吉爲解首張金彪爲武解首四年史致儼會試第一先後並獲三元豈適會地靈以發之歟

街巷市鋪猶昔也坊表則錄其新設者舊所有不重載

縣署前東西兩坊

知縣繆廷玠立一曰崑岡列障一曰邗水分疆

同知署前南北兩坊

半隸江都同知曹芝田立一日政分琴鶴一日澤引江淮

鹽運司署前南北兩坊

舊志曰國計攸關邊儲永賴運使曾燠改爲民生永賴

安定書院前東西兩坊

一日雲蒸霞蔚一日鳳翥鸞翔

百歲坊

在三元巷西口楊廷才妻馬氏嘉慶五年建

五世一堂

老壩橋許子德現年九十二歲

按向例無五世一堂之文今新奉

恩綸盛事不易得也于令亦得建坊故特附之舊城梁崧家五

世一堂以在江境不並錄

以上續志

同治十一年廣儲門損壞城磚十二年西門二道吊橋

橫木損爛十三年西門水關外城倒卸北門城樓後簷

增修甘泉縣志

卷之一

城池

十九

牆頭道城圈東西牆西門二道橋便益門西牆倒卸損

壞北門城牆倒卸打損兵房光緒元年天甯門東牆倒

卸便益門城內西城跟倒卸又橋梁柱損壞

知縣馮譽  
騏估修

光緒三年廣儲門東首城牆倒卸四丈餘尺北門頭道

城牆倒卸二丈四年小東門越城城頭倒卸西門城南

首倒卸水城臞裂寬十二丈高二丈三尺

知縣徐成  
敷估修

光緒七年兩淮鹽運使洪汝奎撥款兩萬六千緡全修

郡城工程堅固亦於是年籌款挑濬城河並修沿河一

帶泊岸及城外各門吊橋添造接官廳

以上新增

山川志

橋渡附

續志考正甘之有山其名耳前志沿舊紀載不能遽缺然多附會充數川則與城池河防水利更多重複

崑岡山橫爲地軸此陵交帶崑崙故廣陵也

河圖括地象

按爾雅大阜曰陵此地自廬淞來重岡疊阜逶迤數百里築城於陵上號廣陵城漢吳王濞始更築城於陵下爲國爲郡爲縣皆以廣陵名之而郡縣新舊志皆不載其地豈以歷代更名改置難實指其處耶而郡國志稱廣

增修甘泉縣志

卷之二

山川

一

陵以城置陵上一名阜岡一名崑岡方輿紀要稱陵在府西北八里與蜀岡連接則實指其所在矣唐韋應物廣陵詩曰雄藩鎮楚郊地勢鬱嵒嶷可証也又河圖括地象曰正東揚州曰信土崑崙山爲柱崑崙山蓋卽廣陵而鮑昭蕪城賦曰軸以崑岡言柱言軸則廣陵重矣冠之山首原始也

甘泉山在府西北三十五里大儀鄉高二十餘丈周二里有井甚甘故名

讀史方輿紀要

山上有七峰聯絡如斗平地錯落諸圓岡凡二十八



如列宿拱斗然

嘉靖維揚志

舊志云或謂厲王冢在此按郡國志云廣陵厲王胥

冢歲旱鳴鼓遶之輒致雷雨

雍正江都志

國朝乾隆七年知縣張宏運築靈雨臺於山上

張宏運靈雨臺記余治甘之明年以循視麥隴過甘泉山盎盎晴暉四迎原野與村烟墟樹相掩映於遠近之間而人風土俗蒸蒸然有近樸向古意余顧而樂之與鄉之父老陟十餘丈而上盈視駭矚徘徊不能去父老告余曰茲山錯落布置於平地而爲圓岡者二十有八若列宿然蜿蜒聯屬矗起而爲峯者七

若斗然其上有井甚甘美此山之所以名而分邑亦以命名誠重之也又有進而言者曰廣陵厲王塚相傳在茲山上或旱甚鳴鼓遶之輒致雷雨余聞而尤異之然茲山之巍然特出視封內諸山若培塿信如斯言益以徵山靈之不爽余乃攝衣而上升極高之峯欲求王塚之所在不可得四顧徜徉豁人心目而西望愛敬之陂慨然想見魏太守陳公之遺愛於弗置今陂塘亦旣爲膏腴矣而我

朝厚澤涵濡雨暘時若已無復雲漢之咏且河防水利講求備至其所以利濟斯民者何啻百倍於當年祈禱

之說應無所事然茲山之靈異若彼固大有造於吾民者使不有以表彰而興起之亦守土者之闕也爰於高峯中之深邃處爲築一臺命之曰靈雨蓋節取詩中靈雨旣零之意以志鳴鼓致雨之異焉夫有一邑之人物必有一邑之山川是皆能表靈異興雲雨以爲一方之利賴者則斯臺也旣以表茲山之靈亦可爲一時雩禱之所由是而歲取十千以仰荅聖天子惠保元元之至意或亦父母斯民之一道乎至於勞農稅駕與二三父老登眺流連尤不爲無助云

按封內諸山惟甘泉稱傑故縣以此名

增修甘泉縣志

卷之一

山川

三

盤古山在城西三十里西興鄉上有盤古墓俗呼廟山

新舊府志

昔盤古氏之死也頭爲四岳目爲日月脂膏爲江海毛髮爲草木秦漢間俗說盤古氏頭爲東岳腹爲中岳左臂爲南岳右臂爲北岳足爲西岳先儒說盤古氏泣爲江河氣爲風聲爲雷目瞳爲電古說盤古氏喜爲晴怒爲陰吳楚間說盤古氏夫妻陰陽之始也盤古氏有墓俗云後人追葬盤古氏之魂也

述異記

續志考正見後塚墓內

北洋山在城西三十里萬厯縣志作白洋山

新舊府志

金匱山在城西七里善應鄉高十丈周二里同上

山有仙人溝梧溪集

馬鞍山在城西北三十五里大儀鄉高一十三丈周三

里狀似馬鞍故名新舊府縣志

得勝山在城西北三十里大儀鄉高七丈周二十五里

同上

宋紹興初韓世忠敗金人於大儀還軍至此故名方輿

紀要

席帽山在府城西北十二里與得勝山皆周二十五里而高不過數丈方輿紀要

增修甘泉縣志

卷之二

山川

四

山在大儀鄉高七丈狀如席帽俗呼帽兒墩嘉靖揚志

九龍山在城西南十五里豐樂鄉下接湖水府志

小金山在北門外

明葉相菩薩蠻詞小金山下荒墳路東風無力傷心

處偶喚小輿過羅衣暗濕多望眼空凝伫惟見雅

啼樹悽悽重悽悽一輪紅日西

蜀岡在城西北四里一名崑岡鮑昭賦軸以崑岡謂此

上有井其脉通蜀曰蜀井新舊府縣志

蜀岡綿亘四十餘里西接儀徵縣界東北抵茱萸灣

上有蜀井相傳地脉通蜀志云自邵伯埭以南地勢

皆高印連亘凡數百里岡阜淮之不能合於江者勢也圖經曰州城在蜀岡之東南其城之東南北皆平地溝澮交貫惟蜀岡諸山西接廬滁凡北兵南侵揚州率循山而南據高爲壘以臨之唐光啟三年楊行密以畢師鐸之亂自廬州援廣陵軍於楊子並西山以逼廣陵卽蜀岡也旣而行密克揚州蔡賊秦宗權遣其弟宗衡等與行密爭揚州抵城西據廣陵故寨卽行密舊屯處周顯德三年克揚州南唐將陸孟俊自泰州進攻揚州屯於蜀岡周將韓令坤懼而走出會救至乃復入城蓋據蜀岡則斷周兵糧援之道令

坤懼走志云郡城之西北外土高於城垣敵者屯此

恆有窺伺之意

方輿紀要

方輿紀覽曰舊傳地脉通蜀故曰蜀岡大觀圖經曰蜀岡今枕禪智寺卽隋故宫寰宇記曰蜀岡有茶園其茶甘如蒙頂蒙頂在蜀故以名岡朱子曰岷山夾江兩岸而行一支去爲江北許多去處又曰自嶓冢漢水之北生下一支至揚州而盡洪武舊志曰揚州山以蜀岡爲首嘉靖維揚志曰蜀岡上自六合縣界來至儀徵小帆山入境綿亘數十里接江都縣界迤邐正東北四十餘里至灣頭官河水際而微其脉復

過泰州及如皋赤岸而止 雍正府志

宋蘇軾次韻伯固遊蜀岡送叔師奉使嶺表詩新苗  
未沒鶴老葉初翳蟬綠渠浸麻水白板燒松烟笑窺  
有紅頰醉臥皆華顛家家機杼鳴樹樹梨棗懸野無  
佩犢子府有騎鶴仙觀風嶠南使出相山東賢渡江  
弔狼石過嶺酌貪泉與君步徙倚望彼修連娟願及  
南枝謝早隨北雁翩歸來春酒凍共看山櫻然 東坡集  
國朝董道權遊蜀岡詩煬帝行宮付草萊茅郎遺廟蜀  
岡開當時錦纜隋天子不若從郎射虎回

按廣陵卽崑岡崑岡卽蜀岡而方輿紀要稱

增修甘泉縣志

卷之二

山川

六

廣陵在府西北八里志稱蜀岡在府城西北  
四里則兩地相隔尙數里也故並繫之

夾岡在府東北七里大儀鄉東接灣頭鎮淮子河口與

蜀岡相屬 方輿紀要

獨岡在城西北四十五里彭城鄉以此鄉獨有此岡故  
名 雍正府志

浮城岡在城北二十八里豐樂鄉新城湖高二丈周四  
十餘丈 雍正縣志

駱駝嶺在開明橋其形龍嵒如駱駝脊故名今儒學在

其上 康熙府志

梅花嶺在新城廣儲門外一名土山明湛尚書若水甘泉書院故址也

雍正府志

明萬曆二十年秀水吳秀守揚州濬河積土而成也因樹以梅名梅花嶺緣嶺有樓臺池榭東西翼以諸州縣公署統名之曰偕樂園萬曆三十三年太監魯保重修知府朱錦作碑記當道檄毀之存其堂與樓爲諸生講學之所名崇雅書院今亦廢嶺前有明末史相國可法葬衣冠處

雍正江都志

明潘之恒梅花嶺詩茲城當暑遊茲嶺未隍陟沿地采芙蓉靚粧謝雕飾赤日布其威佳景若爲匿甫觀

增修甘泉縣志

卷之二

山川

七

同心人招邀皆舊識標雲夕易陰立晷晝已昃亭亭參青旻秋容呈好色山與隔江平水將高漢逼羈棲念遠征萬里猶可卽徵歌近吳趨作賦凌楚國睠此習池遊追從如弗克

如江草

陸弼秋日同徐司理飲梅花嶺詩海上孤城隱暮笳西風殘日滿蒹葭閣雲寒送岷峨色隍水秋連汴泗斜趨府誰能容白幘開尊乍可對黃花墻東廢圃那堪問釣帶空留子母瓜

梅花嶺故太守吳公所築正始堂集

國朝吳嘉紀梅花嶺詩步出廣儲門見草不見樹陌頭往來人遙指梅開處

蒙谷在城東北五里竹西亭之北 新舊府縣志

宋歐陽修蒙谷詩一徑崎嶇入谷中翠條紅刺罨春

叢花深時有人相應竹密初疑路不通 文忠公集

梅堯臣次韻詩茗園葱蒨與山籠一夜驚雷發舊叢

五馬留連未能去土囊深處路微通 宛陵集

鳳凰林在城北三十二里招賢鄉 新舊府縣志

宋紹定四年有鳳鳥至其地故名 同上

續志考正見前祥異內

今案城北無鳳凰林惟揚獸醫埧西有鳳子

嶺亦名鳳凰嶺

天心墩在謝司空寺前廣袤三畝許高二丈餘佛馱跋陀羅尊者譯經地旁有井曰青龍泉舊說唐明皇上元入月矚廣陵之盛解所佩玉玦墜地識之獲於墩上遂名以天心明嘉靖間築新城始隔拱辰門內

國朝雍正十二年有天台僧大岳來此購地開山建祝聖亭及尊者履淨華嚴之堂於墩上前齋院尹公會一爲庵記勒石

唐開元十八年正月望帝謂天師葉法善曰今夕何處最麗對曰廣陵帝曰何術往觀之師曰可俄而虹橋起殿前板閣架虛欄楯若畫帝步而上太真高力

士及樂官數人從行步步漸高頃到廣陵寺觀陳設之盛燈火之光照灼基殿士女鮮麗皆仰面曰仙人現五色雲中帝大悅勅伶官奏霓裳羽衣一曲後數

日廣陵上其事

幽怪錄

按舊說廣陵天甯寺前有古譚經臺蓋卽此

墩也其說著尹憲副碑記互見寺觀

以上原志

蕪城墩在六閘外運河側四面皆水上有文峯院

柳營第一泉在平山堂下乾隆三十三年游擊白雲上名其所浚井作亭于上曰洗心

通理泉縣學大東門井也地屬江都與甘合學凡學皆

增修甘泉縣志

卷之二

山川

九

有泮池此獨缺焉然府學雖砌有池地形高仰長年枯涸縣學大門外左右二井形家以爲地勢如鼇井其二目利在用汲江都志曾及之乾隆五十一年邑紳秦觀察覺議加淘浚署教諭管濤鐫題其名曰通理

太平水倉井二口在多子街乾隆五十九年四月小東門外延燒數百戶邑人公請鹽務官房被焚基地疏浚以備不時取水

以上續志

淮水自高郵州至露筋祠入縣界十五里至腰鋪十里至三溝十里至邵伯驛十里至東西灣十五里至高廟五里至灣頭十五里至廣陵驛交江都縣界計八十里



行水  
金鑑

導淮自桐柏 書禹貢

地理志曰桐柏山在南陽平氏縣東南 平氏漢縣隋開皇十八年

改以桐柏山為名 淮水所出 孔氏疏

淮出餘山 餘山乃桐柏之別名 餘山在朝陽東南 今南陽府新野縣西有朝

陽故城 義西鄉 梁置縣名 山海經

淮水出南陽平氏縣胎簪山 桐柏縣志胎簪山在縣西北三十里 東北

過桐柏山 水經

桐柏縣西三十里胎簪山之陰有泉曰淮井即淮水

發源處泉眼三出即在井旁伏流二十餘丈始迸地

增修甘泉縣志

卷之二

山川

十

羣出至桐柏縣繞城北門而東出桐柏山之南深不

過五六寸至尺餘寬不過四五丈漸流漸大成渠成

川矣 桐柏縣志

淮均也 風俗通

淮者均其勢也 春秋說題辭

淮韋也韋繞揚州北界東至於海也 釋名

按淮水為瀆瀆也者獨也自發源桐柏過郡

四 南陽汝南九江臨淮 至廣陵之淮浦 淮浦故城在今淮安府安東縣

西 入海未嘗入江也宋神宗熙寧四年開洪

澤湖達於淮則湖水皆淮水明萬曆間在清

河縣作清口引淮水七分刷黃三分濟運又  
洩諸湖之水由運道達下河則淮益南下正  
白傳所謂汴水流泗水流流到瓜洲古渡頭  
矣又孟子排淮泗注之江朱子以爲記者之  
誤後人回護其說以春秋時吳開邗溝通江  
淮則淮久已注江矣然非禹蹟之舊也

古邗溝卽今運河 新舊府縣志

哀公九年 周敬王三十三年 秋吳城邗溝通江淮 左傳

吳於邗江築城穿溝東北通射陽湖西北至末口入

淮 水經注射陽故城在今山陽縣東南縣西有山陽瀆卽古邗溝縣北五里有北神堰卽古末口也

增修甘泉縣志

卷之二

山川

十一

通糧道也今廣陵韓江是 左傳杜氏注

明張羽邗溝詩衰楊夾高防北風暮颺颺道逢長老  
問答言是邗溝相傳開鑿初民勞天爲愁至今濁河  
底時見白鬪體陸通梁宋郊水漕荆吳舟渠成萬世  
利慮始難爲謀至今南北郊此土爲名州飛閣跨通  
波張幄如雲浮憶昨少年日寶馬珊瑚鉤經過劇辛  
輩結託金張儔醉酒瓊花觀徵歌明月樓羅綺朝還  
暮笙竽春復秋繁華逐逝水一往不可留向來歌舞  
地茫然狐兔邱窮老無兒孫杖篋驅羊牛少小心尙  
爾不知今白頭欲從亂離說恐余增離憂長揖分袂

去零淚如絲流

靜居集

張昱邗江懷古詩家國承平厭萬幾輕乘黃屋出京  
畿五年巡狩前王有千里看花亘古稀河畔柳條春  
自長苑中螢火夜還飛當時九廟躬辭日肯信龍舟  
竟不歸

續志考正又見後古蹟內

合瀆渠在府城東二里卽古邗溝今運河也

雍正縣志

合瀆渠在江都縣東二里

元和郡縣志

邗江亦曰合瀆渠今爲漕河

方輿紀要

官河卽春秋吳通江淮之處古邗溝也

方輿紀要

增修甘泉縣志

卷之二

山川

十一

三國吳嘉禾三年分道伐魏將軍孫韶等入淮向廣  
陵淮陰又太平二年孫峻使文欽等自江都入淮泗  
以圖青濟蓋皆使之自邗溝以入淮也

方輿紀要

隋大業元年發民十萬開邗溝入江渠廣四十步旁

築御道樹以柳

通鑑綱目

按隋之官河歷代志乘皆以爲卽古邗溝亦  
卽今之運河乃江都志又別載所謂汴河者  
考通鑑及隋書云煬帝命尚書右丞皇甫謐  
發丁百萬開通濟渠自西苑引穀洛水達於  
河復自板渚引河入汴引汴入泗以達於淮

開河記亦云自大梁起首於樂臺之北建修渠所署命之爲汴渠然則汴渠者在淮泗以西而不在淮口以下瞭然矣似縣志所載汴河不免傳會故竟汰之而列官河一條蓋官河卽汴河每見之於唐人詩句而又確在邗溝也至隋隄之起亦自大業自應繫之官河後

運河卽古邗溝自廣陵驛十里至灣頭五里至高廟十五里至東西灣十里至邵伯驛十里至三溝十里至腰舖十五里至露筋廟交高郵州界共計八十里

行水金鑑以下

增修甘泉縣志

卷之二

山川

十三

互詳河防

夫差欲霸中國乃築城廣陵穿溝東北通射陽湖西北至末口謂之邗溝吳王濞煮海爲利復開邗溝隋煬帝幸江都發淮南諸州兵丁十餘萬開邗溝自山陽至揚子入江蓋前此揚州西北自末口達六合東北自射陽湖入淮至是始自揚子達六合自山陽瀆入淮矣

同上

按邗溝合瀆渠古官河今運河一水而異名者也由南而北爲運道由北而南爲淮水故連次之

邵伯舊越河在運河東明萬曆二十八年開 雍正府志

新越河在邵伯鎮南康熙三十九年開有南北二壩 雍正

縣志

人字河在府城北三十五里即邵伯金灣開下之新河

白金灣十六里至運鹽河二里入芒稻河開又自芒稻

河開十八里入江計長二千二百九十三丈 雍正縣志

鳳凰橋引河在府城北三十里由芒稻河入江 雍正府志

邵伯湖在府城北四十五里東接艾陵湖西接白茆湖

南通新城湖北接甓社湖 雍正縣志以下互詳水利

晉太元十一年築堰灌田民思其德比於召公因名

增修甘泉縣志

卷之二

山川

十四

唐興元中作隄以護之宋天聖七年置閘通漕今為

邵伯鎮置巡司邵伯驛亦在焉為水陸孔道 方輿紀要

宋陳造邵伯停舟避雨詩窻度荷芰風舟艤鴛鴦浦

落帆憩篙師辟此白涼雨長征取愜快留滯不為苦

適喜懸麻勢為盪鑠石暑去年舟繫柳臥看虹飲渚

龍公會事發尚記跳珠語崎嶇不諧俗似為龍所予

一杯酬新涼開瓶先酌汝

明李東陽過邵伯湖詩蒼蒼霧連空冉冉月墮水飄

颺雙鬢風恍惚無定止輕帆不用楫驚浪長在耳江

湖日浩蕩行役方未已羈懷正愁絕況乃中夜起

懷麓

續志考正舊越河及邵伯湖五條見後河防而紀  
事為詳

黃子湖在府城北六十里東通官河西至末口 雍正縣志

赤岸湖在黃子湖西 同上

新城湖在府城西北四十五里東通官河 同上

白茆湖在府城東北四十五里 同上

朱家湖在府城東北五十里東通官河西至末口 雍正縣志

艾陵湖在府城東北四十五里邵伯鎮之東 同上

大石湖在府城東四十五里平寮鄉一名岱石湖一名

增修甘泉縣志

卷之二

山川

十五

棹石湖水通張綱溝 同上

葑塞湖在府城東北五十里艾陵鄉北通淶洋湖南通

艾陵湖 同上

淶洋湖在府城東北六十五里南接艾陵湖東北屬高

郵州 同上

甕子湖在淶洋湖之西 同上

採菱港在淶洋湖 雍正府縣志

薔薇港在府東六十里一名薔薇溝接高郵永貞港 雍正

府志

張家溝在府東北四十五里艾陵鄉西通官河北接艾

陵湖 同上

續志考正黃子湖及張家溝共十三條俱見後水  
利湖澗內

槐家河在府城東北十五里本槐姓所開故名自陳公  
塘接雷塘引水至灣頭入運河 雍正縣志

淮子河在府城東北十二里亦曰懷子河直接雷塘下  
達槐家河久湮雍正六年濬 同上

鰍魚口在邵伯鎮河西乾隆三年復 縣案

市河自府城門外高橋運河口起歷保障河硯池口至  
南門外二道溝接運河又自便益門弔橋起繞城東北

增修甘泉縣志

卷之二

山川

十六

一從新城拱辰門水關至挹江門水關出針橋接運河  
一從舊城北水關至南水關出響水橋接運河而界屬  
甘泉者自高橋河口起至古渡橋中止又自便益門至  
小東門弔橋中止明嘉靖間開

國朝康熙十三年雍正九年兩次復濬 雍正府志

柴河在城北三里東通運河西接市河相傳爲川城南

濠之址 雍正府志

保障河一名砲山河在府西一里南通古渡橋北抵虹  
橋西繞法海寺明崇禎十年開

國朝雍正十一年知府尹會一重濬 雍正府志

龍河在府城西北砲山河之前東通運河 雍正縣志

煬常港在府城西北十五里水逕隋故宮接雷塘近煬

帝墓故名 雍正府志

續志考正槐家河以下八條俱見水利河港內

公路浦在府城西 同上

廣陵西一里水名公路浦袁術自九江來奔袁譚於

下邳經此因名 北征記

九曲池在府城北七里蜀岡麓 新舊府縣志

煬帝建木蘭亭於池上奏水調九曲故名鮮于侁詩

序云初帝欲幸江都命樂工撰水調九曲工人王令

增修甘泉縣志

卷之二

山川

十七

言謂其子曰此曲無回聲汝行必不反矣 同上

唐白居易詩五言一遍最辛勤調少情多似有因不

會當時翻曲意此時腸斷爲何人 長慶集

宋王琪九曲池詩越調誰家曲當年亦九成哀音已

亡國廢沼尙留名儀鳳終沉影鳴蛙祇沸聲淒涼不

可問落月背蕪城

蘇轍九曲池詩嵇老清彈怨廣陵隋家水調寄哀音

可憐九曲遺聲盡惟有一池春水深鳳闕蕭條荒草

外龍舟想像綠楊陰都人似有興亡恨每到殘春一

度尋 樂城集



第五泉在蜀岡大明寺前唐張又新品定宋歐陽修有水記明御史徐九皋書第五泉三字立石

元祐六年七夕東坡與發運使晁端彥吳倅晁元咎大明寺汲塔院西廊井與下院蜀井二水校以塔院水爲勝

墨莊漫錄

宋歐陽修大明寺水記世傳陸羽茶經其論水云山水上江水下井水次又云山水乳泉石池漫流者上瀑湧湍激勿食食久令人有頸疾江水取去人遠者井汲多者其說止於此而未嘗品第天下之水味也至張又新爲煎茶水記始云劉伯芻謂水之宜茶者

有七等又載羽爲李秀卿論水次第有二十種今考二說與羽茶經皆不合謂山水上乳泉石池又上江水次而井水下伯芻以楊子江爲第一惠山石泉爲第二虎邱石井第三丹陽寺井第四揚州大明寺井第五而松江第六淮水第七與羽說皆相反秀卿所說二十水廬山康王谷水第一無錫惠山石泉第二蘄州蘭谿石下水第三扇子峽蝦蟆口水第四虎邱寺井水第五廬山招賢寺下方橋潭水第六楊子江南溇水第七洪州西山瀑布第八桐柏淮源第九廬山龍池山頂水第十丹陽寺井第十一揚州大明寺

井第十二漢江中澇水第十三玉虛洞香谿水第十四武關西水第十五松江水第十六天台千丈瀑布水第十七柳州圓泉第十八嚴陵灘水第十九雪水第二十如蝦蟆口水西山瀑布天台千丈瀑布皆戒人勿食食之生疾其餘江水居山水上井水居江水上皆與羽經相反疑羽不當二說以自異使誠羽說何足信也得非又新妄附益之耶其述羽辯南澇岸下水怪誕尤甚夫水味有美惡而已欲求天下之水一一而次第之者妄說也故其所說前後不同如此然此井爲水之美者也羽之論水惡渟浸而喜泉源

故井取汲多者江雖長然眾水雜聚故次山水惟此

說近物理云

歐陽文忠公集

乾隆二年郡人汪少卿應庚於山右鑿池得古井井大於常甃甃極堅緻鐫殿司監造四字井底有景福錢盈貫掬飲其水清冽甘美考古家謂此井乃第五泉也良常王吏部澍書天下第五泉五字嵌諸壁太守高公記

國朝知揚州府事高士鑰第五泉記光祿汪公墓歐公遺蹟爲平山主人毅然從七百餘年後重修而恢廓之東西梵剝殿廡樓閣煥然一新前郡守今大中丞

尹公爲文勒碑以紀其盛公一日憑眺岡巒環矚左右慨然曰茲山氣體蟠結而神韻不流是宜池水淪漣受烟雲而宕風月始足以暢千古之襟靈於是相度山麓之地購得數十畝鳩工開濬自冬及春積畚鍤之勤惟恐其不灌注忽有泉源從地湧出豁然而天日熒霽然而珠璣沸井谷宛然汲而飲之其味甘美不亞慧泉觀者接踵於道日不下數千人咸額手相慶曰異哉此眞第五泉而今乃出也考揚州府志第五泉在大明寺之西南大明寺卽今棲靈寺斯泉正出其西南開泉時得景福錢景福乃唐昭宗年號

也由唐宋迄今此泉之顯晦不知歷幾何年矣一旦復見於人間豈非造物者默相好古之懷俾斯泉躡躍奮迅而出歟抑何奇也乃卽舊井堅甃以石周以層臺緹以修梁而作亭於其北四面臨池復立碑於池之西與井相直而覆以亭表之曰天下第五泉良常王司勳虛舟筆也烟波瀾漫竹樹環匝向之所有五烈坊皆隱現於叢翠蔭樾之中以增池亭之勝而爲第五泉之外護詎不益壯其觀瞻耶今年夏秋苦旱塘井皆涸遠近居民汲是泉而飲者日萬家而水不竭此尤足慰公濟人澤物之素心而非僅一勺一

鑑一詠一游之惠也夫世人役身於聲利之藪語之以山林泉石之娛有掉首不應者矣卽或創園亭池沼亦祇深居自怡悅已耳若公於四海公好之名區千古風流之勝蹟合數百載以上數百載以下之性情旨趣一一爲之不惜傾數萬之資歷十年之勞而不倦此非心地至公識量至遠者而能之乎至是茶香松籟悠然會心而平山一堂高深之致備矣使歐公復生俯仰徘徊於其間其樂更當何如公之心與廬陵遙相質也公之澤不與斯泉俱永乎余忝守土深服公之濟人澤物之誠又喜其得泉之奇故援筆

記之

甘泉在甘泉山上

蜀井在府城東北蜀岡禪智寺側其泉脉通蜀味甘冽亦如之故名

萬歷縣志

揚州蜀岡上禪智寺側有井味甘冽與蜀岡通前有一蜀僧在蜀江洗鉢失之乃從井浮出爲禪智僧所得置佛前後數年老僧過而見之驚曰何緣到此脫

衲衣贖去

紫桃軒雜綴

宋蘇轍蜀井詩信脚東遊十一年甘泉香稻憶歸田行逢蜀井恍如夢試煮山茶意自便短綆不收容盥

濯江泥仍許置清鮮早知鄉國勝爲客游宦何須更

着鞭樂城集

黃裳蜀井詩傳此井自嚴君平題地行仙蹟世難知極數高人

出數時隱顯自通淮與蜀興亡誰管晉兼隋仙家洞府天下

與蜀通者青徐自有兩處演山集

九女澗卽西澗在府城西北三十里昔傳秦九女墳在

澗側故名萬歷縣志

花山澗在西門外今淤同上

文津在府治東有橋跨其上同上

東津在大東門外同上

增修甘泉縣志

卷之二

山川

二十二

續志考正九女澗以下四條又見後水利湖澗內

董井在大東門外鹽運使大廳後萬歷縣志

董仲舒宅古江都縣址也仲舒爲江都王相居此有

井號董井輿地紀勝

明張萱董井詩大道久淪替蔓草紛蒙茸董生紹典

型白日行太空鳳德無乃衰而生元光中薄宦羈王

官豈不思冥鴻挾策抗天人何以取三公微言振千

古荒井空孤桐撫之有餘思落日啼秋蟲願言載麟

筆慷慨齊高蹤

國朝吳嘉紀董井詩在董仲舒先生舊宅內一泓漢家水苔深汲

者寡當日供大儒今日飲戰馬

程文正董井詩賢良登漢殿三策對天人道僅終王  
相儒當作帝臣池臺繁露遍俎豆玉杯新故宅留遺

井空教汲引頻

水部遺詩

玉勾井在蕃釐觀後

康熙府志

昔有黃冠持畫軸見守帥畫中字皆雲章鳥篆不可  
識既去使人躡之至后土井而沒乃使囚縋下視之  
見一洞署曰玉勾洞天再入則水瀾漫不可復至矣

名勝志

國朝汪懋麟玉勾洞天記幽渺怪異不經之事君子之

增修甘泉縣志

卷之二

山川

二十三

所不道以其不可知卽不可信卒亦不得而傳也若  
既傳矣卽可信可知雖欲不信使其終無傳也亦不  
可得也揚州有玉勾洞天載於郡誌在蕃釐觀後相  
傳唐時有道士持畫謁守帥字皆雲章鳥篆不可識  
守異之使人蹟其後則入后土祠井中因以囚入視  
見屋宇森然額曰玉勾洞天復入水漫不可見矣今  
瓊花觀卽古蕃釐觀所以祀后土者井故在雖其事  
有無不可知而相傳既久井上有亭順治初遭悍弁  
鎮揚牧馬於此亭遂覆井亦隨塞余過此每徘徊嘆  
息思修復未能也會壽州御史夏公人佺來修醮於

觀招轉運王公維新郡守金公鎮及余周覽殿廡相  
與尋玉勾遺址得其故處突然窪然惟土一邱東汚  
潦西民居北侵爲道路荒榛敗瓦充塞滿目因共謀  
濬井築亭御史公曰城社疆土郡守責也復厥舊基  
惟金公鳩工庀材轉運事也用厥材力惟王公執筆  
而紀之使傳於久永舍人其何辭予曰諾從來言神  
仙者多不可信而道書所紀大小洞天以百數十計  
其中可喜可怪之事往往而有大抵皆高人達士善  
人君子始可與於神仙之徒而市俗無行之人不可  
語諸此也後之來遊於斯者尙其自省而勿泥其見

增修甘泉縣志

卷之二

山川

二十四

於井中乎

百尺梧桐閣集

青龍泉舊屬天甯寺新城旣築在天甯門內泉上有亭

久廢

康熙府志

明高宗本天甯寺青龍泉記天甯之爲寺肇於晉歷  
千有餘年屢厄兵燹陵谷變遷不無興廢故正殿之  
前甬道則崩頽坼裂沒入荒草山門外路直長不下  
二百步中則積土高壅欺寺門矣成化十四年戊戌  
太守三山楊公成正視篆之初祝禧此寺慨然興嘆  
以爲甬道廢圯山門外積土壅塞更張除莠非主僧  
之責歟時主僧惠寧乃與道人俞普瓏身親畚鍤增

高甬道與露臺平山門外路剗除積土更以磚石甃之太守給俸餘以資其食又撥人夫以助其工垂成之際寺門右偏深土中掘出古井井中得一古龍背鏡人猶未以爲異也越十有七年辛丑夏大旱太守率僚屬祈雨至寺所忽有青蛇從井中出太守遣人貯以大甕舁真壇上是日大雨四境霑足蛇竟不知所之人大以爲異太守詢之故老曰此寺伽藍神青龍將軍也今禱雨而青蛇出豈青龍之神歟不然何以得甘雨之速也太守乃合眾議名其井曰青龍泉博施井在府城內開明橋南大街中

雍正縣志

增修甘泉縣志

卷之二

橋渡

二十五

惠民井在邵伯鎮

晉謝安築埭時所鑿

舊志

橋渡

附

洛橋在廣陵城東水上有梁謂之洛橋

水經注

萬歲橋在萬歲樓之下今圯

名勝志

二十四橋隋置在府舊城

府舊志

二十四橋併以城門坊市爲名自韓令坤省築州城分布阡陌別立橋梁所謂二十四橋者或存或廢不可得而考

方輿勝覽

揚州在唐時最爲富盛舊城南北十五里一百一十



步東西七里三十步可紀者有二十四橋最西濁河  
茶園橋次東大明橋入西水門有九曲橋次東正當  
帥牙南門有下馬橋又東作坊橋橋東河轉向南有  
洗馬橋次南橋又南阿師橋周家橋小市橋廣濟橋  
新橋開明橋顧家橋通明橋太平橋利國橋出南水  
門有萬歲橋青園橋自驛橋北河流東出有參佐橋  
次東水門東出有山光橋又自衙門下馬橋直南有  
北三橋中三橋南三橋號九橋不通船不在二十四  
橋之數皆在今府城西門之外

沈括補筆談

唐杜牧詩雲山隱隱水迢迢秋盡江南草木凋二十

增修甘泉縣志

卷之二

橋渡

二十六

四橋明月夜玉人何處教吹簫

杜樊川集

宋歐陽修詩綠芰紅蓮畫舸浮使君那復憶揚州都  
將二十四橋月換作江南十頃秋

按二十四橋有兩說其一說卽沈括補筆談  
歷數其名者又一說乃止一橋而名二十四  
者總之城已屢遷則橋亦不可復考矣又有  
十五橋者蓋以唐張喬寄維揚故人詩有月  
明記得相逢處城鎖東風十五橋之句而起  
也然張喬之友人或居二十四橋之半亦未  
可知何必泥以實有此橋哉故刪之

三橋

畢師鐸與呂用之戰於三橋北

通鑑紀事

按書史所盛稱者有此數橋然不可攷其處

矣今照府縣志將城鄉實有橋渡具列於後

文津橋在府學東首跨市河明宏治九年同知葉元造  
萬曆十三年巡鹽御史蔡時鼎建文昌樓於其上

明儲懽文津橋記揚之學肇於宋仍於元至明屢修  
建之殿堂門廡旣飾旣奐惟是東西行者出入委巷  
狹隘無以稱宏治己未春教授李師文諸生葉如欒  
百餘人白其事於御史劉君堯遂委諸同知葉君元

增修甘泉縣志

卷之二

橋渡

二十七

爰貨氓廬橋諸水以屬於通途甫僦工知府許君節  
至曰是當遠大圖乃伐石爲梁爲翼而輒覆之東西  
峙以桓表元大書曰文津又明年御史馮允中巡蒞  
兩淮特藻絢其表且屬懽志歲月於石無何王公恩  
擢自臺察殿守此邦訖其緒餘而橋遂成蓋皇有四  
極迄今百有餘年右文興學古莫與侔雖荒陬遐壤  
學宮備具揚爲江淮一都會冠蓋之盛舟車之衝謁  
廟詣學之使恆相望也而道隘弗治顧漫焉莫加之  
意雖非吾道隆污所繫然郡望之重民志之同在物  
理有不當然者乃今始協羣議更眾力規而稱之豈

非有待然與天下之事恆狃乎舊而難卽乎新蓋如此  
此巔於是有警焉今夫築室聚土而詔之者凡以學  
焉耳學之成在明體以適用是豈易哉始喻之廟也  
學也其體也途也橋也其用也昔途之與橋未備也  
亦何病於學然人視之有歉然不自克者必旣備焉  
乃已士學於茲苟體有不具用有不周吾豈無遺恨  
而無缺望於人哉橋於斯途於斯者可以繹思而興  
起矣稽之郡志揚之橋多矣其聞者惟昔人觀游題  
詠所及而已今求其處又往往頽沒不可以盡識何  
哉橋固因人而重也揚故文獻之國也異時體用之

士羣然出其間蓄道德於躬昭功德於時則人將不  
曰橋之助哉若然豈惟斯橋得徼寵以聞凡與茲役  
者與有耀焉而不腆之文或得附題詠者之後卽諸  
橋之勝皆莫得與之倫矣或者謂橋之建初以堪輿  
家之說夫崇聖學隆教基進諸生於道乃良牧守名  
御史之意也奚取是哉巔故略之剟所宜言者爲記  
開明橋在府治東北大街東西跨市河俗呼開門橋橋  
上有樓牕櫺四面今圯

新舊府縣志

國朝乾隆五年邑人江部郎承炳重修并橋東西大路

王觀芍藥譜云開明橋左右春月花市盛於一州

舊志

通泗橋在江都縣東大街東西跨市河明洪武七年揚州衛指揮馬于開建同上

國朝乾隆五年邑人江承炳重修并橋東西大路

太平橋在縣西南大街東西跨市河同上

國朝乾隆五年邑人江承炳重修并橋東西大路同上

新橋在縣西南大街東西跨市河明洪武七年揚州衛

指揮馬于開建同上

義濟橋在南門外明張棧建同上

橋頂有一石雨餘現太極圖形及蝦影里人異之橋

西碑亭有葉侍郎相記舊府志

增修甘泉縣志

卷之二

橋渡

二十九

惠民橋在南門月城內東西跨市河雍正縣志

大東門外弔橋 小東門外弔橋 北門外弔橋 金

橋在北門外 天甯門外弔橋 以上五橋並於

國朝乾隆五年邑人江承炳重修并南門外二道溝橋

畔石岸

止馬橋在大東門外明武宗南巡百官迎駕止馬於此

故名今俗呼臣止馬橋府縣志

洗馬橋在新城馬監前同上

宛虹橋在新城

國朝乾隆三年邑人江承炳重修并興運街左衛街路

夾剪橋在新城梵覺寺東南 雍正縣志

彌勒菴橋在新城皮市街東 同上

轅門橋在教場南首

江家橋在新城便益門內 同上

小市橋一名宵市橋在北水關外相傳隋煬帝於此開

夜市 同上

國朝宗元鼎宵市橋詩豐樂名存酒庫荒隋家遺蹟寶

城傍河橋尚憶繁華夜小市春燈煮百羊

葉公橋在北門外葉侍郎墓前相傳造橋時土中掘得

白玉一片有葉公橋三字蓋前定云 雍正縣志

增修甘泉縣志

卷之二

橋渡

三十

通運橋在北倉官河西岸 同上

永甯橋在東水關東西跨運河卽通泰渡也久廢

阿師橋今北門

周家橋今北門

擣衣橋

明沈德符詩曰佳名二十四最好擣衣橋

迎恩橋在北門外久廢今通舟楫

九曲橋在北門外建隆寺前

上方橋在府城東北五里明正統三年僧如瑫募造漕

河通志改爲北來橋今名高橋 府志

紅橋在府城西北亦名虹橋府志云朱欄跨岸綠楊盈

隄酒帘掩映爲勝遊之地

雍正縣志

國朝王士徵有紅橋遊記

王阮亭云予嘗與袁令昭杜于皇諸君宴於紅橋予自爲記作詞三首所謂綠楊城郭是揚州是也令昭酒間作南曲被之絲竹又嘗與林茂之孫豹人張祖望輩修禊紅橋予首倡冶春詩二十餘首一時名士皆屬和予旣去揚州過紅橋多見憶者遂爲廣陵故事陳其年云官舫銀燈賦冶春廉夫才調更無倫玉山筵上頽唐甚意氣公然籠罩人宗梅岑云休從白

增修甘泉縣志

卷之二

橋渡

三十一

傅歌楊柳莫向劉郎演竹枝五日東風十日雨江樓

齊唱冶春詞

又王阮亭詩舟入紅橋路垂楊面面風銷魂一曲水  
終古傍隋宮 水榭迎新秋素舸自孤往漠漠柳棉  
飛時時落波上

史申義詩紅橋無幾曲秋水城隅長蓮葉已離披芙蓉正堪賞安得攜童穉深深搖畫槳非同洛濱戲不比山陰訪頗聞保障湖蒲葦清流廣水天自容與人影久俯仰雅游無俗情勝地發遐想鳧鶴自成羣蛺蝶見三兩秋蟬鳴古柳吾舟或可榜未知此生間當

著屐幾緡

國朝乾隆元年七月郡人黃部郎履昂以橋圯獨力承  
造八月竣工

五里橋在城西東西跨小壩 同上

法海橋在法海寺前明嘉靖四年揚州衛指揮火晟造  
知縣馬駙記 同上

清平橋在府城北三里栖靈寺前明成化七年指揮陳

昱造高宗本記 同上

月明橋在大儀鄉禪智寺前

山光橋在山光寺前

增修甘泉縣志

卷之二

橋渡

三十二

漫鑿橋 王逢梧溪集

便橋在大儀鄉

相別橋在城西七里俗呼象鼻橋

雙橋在西門外七里店東

張廷輔橋在西門外俗以其人所造卽以名之

上官橋在上官鎮

槐子橋在城北十二里槐子河

于家磚橋在槐子橋北

槐家橋在城北十五里南北跨槐家河唐末楊行密張

神劍屯兵處

鳳凰橋在城北三十五里相傳昔有鳳凰止於此故名東浮橋西浮橋俱在西興鄉

國朝乾隆元年邑人江承炳重修嵒西興鄉劉家集路磚橋在城東北四十五里唐頭庄元至正間黃新造美棠橋在邵伯鎮街西今圯

通湖橋在邵伯鎮街東通朱家湖何正茂造

石橋在邵伯鎮美棠橋北東西跨官河古名虹霓橋久廢

惠政橋在邵伯鎮梵行寺東舊傳晉謝安以政惠民故名

增修甘泉縣志

卷之二

橋渡

三十三

隱棠橋在邵伯鎮梵行寺西通朱家湖

寶公橋在邵伯鎮南明永樂間僧寶公募造

國朝康熙三十八年被水決隄橋圯寺僧了愚募築長隄重建此橋於隄上

七截橋在邵伯鎮梵行寺西長十餘丈

舊志

國朝乾隆二年邑人江承炳修

普濟橋

國朝乾隆七年郡人許華生創造

湖口橋在城北五十里黃子湖口一名僧道橋一名孫渡橋一名公道橋長三十餘丈



國朝乾隆三年邑人江承炳重修并橋東西路

老壩橋在黃子湖

黃瑀橋在黃子湖圯里人焦淇於雍正 年重建

火燒橋在黃子湖

宋家橋在湖口橋西北二十里爲高郵甘泉分界

東關渡在利津門外官河

陳公渡在便益門外官河雍正十一年知府陳宏謀設

高江渡在湖口橋 十五里康熙十三年知府金鎮設

潘家古渡在邵伯鎮河西本潘氏舊設康熙三十八年

大水後廢雍正四年里人潘鴻重造渡舡築石岸眾爲

增修甘泉縣志

卷之二

橋渡

三十四

立石題曰潘家古渡

安樂渡在湖口橋北七里野溝灣之南卽邵伯露筋大

湖諸壩西接高郵宋橋向無渡康熙十四年諸生李敲

揚置設並置司渡僧田

高公渡在便益門外黃金壩官河乾隆三年知府高士

鑰建設

普濟渡在邵伯鎮城隍廟官河乾隆七年知府高士鑰

建設

以上原志

通津橋見稽神錄

登瀛橋見成廷珪詩集

虹橋前志一作紅本以板爲之乾隆元年郎中黃履昂  
改建爲石十五年後屢修中建亭

渡春橋在西門外二弔橋之北

蓮花橋在法海寺後御史高恆建上置五亭下列四翼  
洞正側凡十有五亭今圯

春波橋跨保障河之半中築小洲爲亭榭駕橋通之  
長春橋跨迎恩河

按蓮花春波長春三橋向與長春嶺前之玉版橋  
爲四橋煙雨玉版本無橋編竹爲筏此皆通行人  
往來在園內者不之及

增修甘泉縣志

卷之二

橋渡

三十五

永濟橋在邵伯鎮東街下河士民捐資公建

竹巷義渡在邵伯鎮竹巷口里人尹氏立 以上續志

公道橋在城西北五十里一名僧道橋孫度橋長二十

餘丈乾隆三年邑人江承炳重修後改爲渡橋與黃珏

橋相距十里道光三十年里人重修阮亨有碑記

北湖  
續志

黃珏橋在城北三十里同治年間里人重修

邵伯陳家溝義渡在邵伯河西光緒六年里人潘榮書

募創七年兩淮商人施建待渡亭一一設河東六閘一

設陳家溝往來稱便洵美舉也

以上新增